

Broj: 03-11-1383-2/2022  
Sarajevo, 31.10.2023. godine

Bosna i Hercegovina  
Federacija Bosne i Hercegovine  
**PARLAMENT FEDERACIJE**  
**SARAJEVO**

| Org. jed. | Broj | Priloga | Vrijednost |
|-----------|------|---------|------------|
| 02        | 11   | 2654    | 22         |

**PARLAMENT FEDERACIJE  
BOSNE I HERCEGOVINE**

- Dom naroda -  
gosp. Tomislav Martinović, predsjedavajući

**VRLO HITNO**

**PREDMET: Veza Vaš akt broj: 02-11-2654/22 od 30. i 31.10.2023. godine**

Poštovani,

U skladu sa članom IV.B.7.c) (III) Ustava Federacije Bosne i Hercegovine, a u vezi sa odredbama člana 183. Poslovnika o radu Doma naroda Parlamenta Federacije Bosne i Hercegovine („Službene novine Federacije BiH“, br. 27/03, 21/09 i 24/20), u prilogu Vam dostavljam **Izjašnjenje o amandmanima na Prijedlog odluke o izmjenama i dopunama Budžeta Federacije Bosne i Hercegovine za 2023. godinu – hitni postupak, koje su u Domu naroda Parlamenta Federacije Bosne i Hercegovine podnijeli delegati Goran Bulajić, (1 amandman), Eldin Delić, (2 amandmana) i Aida Obuća, (3 amandmana), a koje je utvrdila Vlada Federacije Bosne i Hercegovine na 25. hitnoj sjednici, održanoj 31.10.2023. godine.**

S poštovanjem,



**PREMIJER**

**Nermin Nikšić**

Prilog: kao u tekstu

**Co: Federalno ministarstvo finansija-  
Federalno ministarstvo financija  
gosp. Toni Kraljević, ministar**

Na osnovu člana 73. Poslovnika o radu Vlade Federacije Bosne i Hercegovine - Prečišćeni tekst („Službene novine Federacije BiH”, br. 6/10, 37/10, 62/10 i 39/20), a u vezi sa odredbama člana 183. Poslovnika o radu Doma naroda Parlamenta Federacije Bosne i Hercegovine („Službene novine Federacije BiH”, br. 27/03, 21/09 i 24/20), nakon razmatranja amandmana na Prijedlog odluke o izmjenama i dopunama Budžeta Federacije Bosne i Hercegovine za 2023. godinu – hitni postupak, koje su u Domu naroda Parlamenta Federacije Bosne i Hercegovine podnijeli delegati Goran Bulajić, (1 amandman), Eldin Delić, (2 amandmana) i Aida Obuća, (3 amandmana), Vlada Federacije Bosne i Hercegovine je, na 25. hitnoj sjednici održanoj 31.10.2023. godine, utvrdila sljedeće:

### IZJAŠNENJE

**o Amandmanu na Prijedlog odluke o izmjenama i dopunama Budžeta Federacije Bosne i Hercegovine za 2023. godinu – hitni postupak, koji je podnio Goran Bulajić, delegat u Domu naroda Parlamenta Federacije BiH**

### AMANDMAN

Razdjel 52, Glava 5201, Ekonomski kod 6151 “Kapitalni transferi drugim razinama vlasti i fondovima - izgradnja zatvorenog bazena u Zenici - faza I” uvećava se za 1.000.000,00 KM i iznosi 1.500.000,00 KM.

Razdjel 52, Glava 5201, Ekonomski kod 6151 “Kapitalni transferi drugim razinama vlasti i fondovima - izgradnja sportske dvorane Mostar i drugih sportskih objekata u Gradu Mostaru” umanjuje se za 500.000,00 KM i iznosi 6.000.000,00 KM.

Razdjel 52, Glava 5201, Ekonomski kod 6151 “Kapitalni transferi drugim razinama vlasti i fondovima - Sufinansiranje izgradnje sportsko-rekreativnog bazena u Bihaću” umanjuje se za 250.000,00 KM i iznosi 2.250.000,00 KM.

Razdjel 12, Glava 1201, Ekonomski kod 6000 “Tekuća rezerva – Vlada Federacije” umanjuje se za 250.000,00 KM i iznosi 9.750.000,00 KM.

### IZJAŠNENJE

#### Amandman se ne prihvata Obrazloženje

U skladu sa članom 60. Zakona o budžetima u Federaciji Bosne i Hercegovine („Službene novine Federacije BiH” br. 102/13, 9/14, 13/14, 8/15, 91/15, 102/15, 104/16, 5/18, 11/19, 99/19 i 25a/22) sredstva tekuće rezerve, planirana u budžetu, koriste se za nepredviđene namjene, za koje u budžetu nisu planirana sredstva ili za namjene za koje se tokom godine pokaže da za njih nisu utvrđena dovoljna sredstva, jer ih pri planiranju budžeta nije bilo moguće predvidjeti. U Prijedlogu odluke o izmjenama i dopunama Budžeta Federacije Bosne i Hercegovine za 2023. godinu, na Razdjelu 12, Glava 1201, ekonomski kod 6000 Tekuća rezerva – Vlade Federacije planirana su sredstva u iznosu od 10.000.000,00 KM.

Sredstva sa Razdjela 52, Glava 5201, Ekonomski kod 6151 „Kapitalni transferi drugim razinama vlasti i fondovima – Izgradnja sportske dvorane Mostar i drugih sportskih objekata u Gradu Mostaru”,

u skladu sa Zakonom o izvršavanju Budžeta Federacije Bosne i Hercegovine za 2023. godinu, doznačavati će se sukcesivno na osnovu programa utroška sredstava donesenih od strane Vlade Federacije Bosne i Hercegovine, a sve u svrhu podrške radu i realizaciji osnovne djelatnosti institucije. Imajući u vidu navedeno Vlada Federacije Bosne i Hercegovine nije u mogućnosti prihvatiti predloženi amandman.

## **IZJAŠNENJE**

**o amandmanima na Prijedlog odluke o izmjenama i dopunama Budžeta Federacije Bosne i Hercegovine za 2023. godinu – hitni postupak, koje je podnio Eldin Delić, delegat u Domu naroda Parlamenta Federacije BiH**

### **AMANDMAN I**

U izmjenama i dopunama Budžeta Federacije Bosne i Hercegovine za 2023. godinu, na razdjelu 52, glava 5201 – Federalno ministarstvo kulture i sporta, ekonomski kod 6151 – Kapitalni transferi FBiH, izgradnja sportske dvorane Mostar i drugih sportskih sadržaja u gradu Mostaru umanjiti za 1.000.000,00 KM, tako da ukupan iznos na ekonomskom kodu 6151 – Kapitalni transferi FBiH – Izgradnja sportske dvorane Mostar i drugih sportskih sadržaja u gradu Mostaru iznosi 5.550.000,00 KM.

Navedena sredstva umanjiti na sljedeći način:

U izmjenama i dopunama Budžeta Federacije Bosne i Hercegovine za 2023. godinu, na razdjelu 52, glava 5201 – Federalno ministarstvo kulture i sporta, ekonomski kod 6151 – Kapitalni transferi FBiH - Izgradnja fiskulturne sale u OŠ „Safvet Beg Bašagić“ u Novom Travniku, tako da ukupan iznos na ekonomskom kodu 6151 – Kapitalni transferi FBiH – Izgradnja fiskulturne sale u OŠ „Safvet Beg Bašagić“ iznosi 1.000.000,00 KM.

### **AMANDMAN II**

U izmjenama i dopunama Budžeta Federacije Bosne i Hercegovine za 2023. godinu, na razdjelu 12, glava 1201 – Vlada Federacije BiH, ekonomski kod 6000- Tekuća rezerva Vlade FBiH umanjiti za 1.000.000,00 KM tako da ukupan iznos na ekonomskom kodu 6000- Tekuća rezerva Vlade FBiH iznosi 9.000.000,00 KM.

Navedena sredstva umanjiti na sljedeći način:

U izmjenama i dopunama Budžeta Federacije Bosne i Hercegovine za 2023. godinu, na razdjelu 17, glava 1701 – Federalno ministarstvo energije, rudarstva i industrije, ekonomski kod 6144 – Subvencije javnim preduzećima i drugim privrednim društvima iz namjenske industrije – BNT TMiH d.o.o. Novi Travnik - tako da ukupan iznos na ekonomskom kodu 6144 – Subvencije javnim preduzećima i drugim privrednim društvima iz namjenske industrije – BNT TMiH d.o.o. Novi Travnik – iznosi 1.000.000,00 KM.

## **IZJAŠNENJE**

### **Amandmani I i II se ne prihvataju**

#### **Obrazloženje**

Sredstva sa Razdjela 52, Glava 5201, Ekonomski kod 6151 „Kapitalni transferi drugim razinama vlasti i fondovima – Izgradnja sportske dvorane Mostar i drugih sportskih objekata u Gradu Mostaru“, u skladu sa Zakonom o izvršavanju Budžeta Federacije Bosne i Hercegovine za 2023. godinu, doznačavati će se sukcesivno na osnovu programa utroška sredstava donesenih od strane Vlade Federacije Bosne i Hercegovine, a sve u svrhu podrške radu i realizaciji osnovne djelatnosti institucije. Imajući u vidu navedeno, Vlada Federacije Bosne i Hercegovine nije u mogućnosti prihvatiti predloženi amandman.

U skladu sa članom 60. Zakona o budžetima u Federaciji Bosne i Hercegovine („Službene novine Federacije BiH“, br. 102/13, 9/14, 13/14, 8/15, 91/15, 102/15, 104/16, 5/18, 11/19, 99/19 i 25a/22) sredstva tekuće rezerve, planirana u budžetu, koriste se za nepredviđene namjene, za koje u budžetu nisu planirana sredstva ili za namjene za koje se tokom godine pokaže da za njih nisu utvrđena dovoljna sredstva, jer ih pri planiranju budžeta nije bilo moguće predvidjeti. U Prijedlogu odluke o izmjenama i dopunama Budžeta Federacije Bosne i Hercegovine za 2023. godinu, na Razdjelu 12, Glava 1201, ekonomski kod 6000 Tekuća rezerva – Vlade Federacije planirana su sredstva u iznosu od 10.000.000,00 KM.

Imajući u vidu navedeno, Vlada Federacije Bosne i Hercegovine nije u mogućnosti prihvatiti predloženi amandman.

### **IZJAŠNENJE**

**o amandmanima na Prijedlog odluke o izmjenama i dopunama Budžeta Federacije Bosne i Hercegovine za 2023. godinu – hitni postupak, koje je podnijela Aida obuča, delegatkinja u Domu naroda Parlamenta Federacije BiH**

#### **AMANDMAN I**

Ekonomski kod 6141 - Tekući transferi drugim nivoima vlasti i fondovima - Zavod za zdravstveno osiguranje i reosiguranje FBiH (razdjel 20, glava 2001 Federalno ministarstvo zdravstva), koji iznosi 43,5 miliona KM, povećati za 20 miliona KM.

Ova sredstva će se osigurati na način da sa ekonomskog koda 6141 – Tekući transferi i drugi tekući rashodi, (razdjel 20, glava 2001 Federalno ministarstvo zdravstva, ekonomski kod 614 Tekući transferi i drugi tekući rashodi, pozicija 6141 F) - predviđena sredstva u iznosu od 77,2 miliona KM umanje za iznos od 20 miliona KM.

#### **AMANDMAN II**

Ekonomski kod 6141 - Tekući transferi drugim nivoima vlasti i fondovima - Zavod za zdravstveno osiguranje i reosiguranje FBiH (razdjel 20, glava 2001 Federalno ministarstvo zdravstva) koji iznosi 43,5 miliona KM, povećati za 2 miliona KM.

Ova sredstva će se osigurati na način da sa ekonomskog koda 6000 – Tekuća rezerva - Vlada Federacije BiH (razdjel 12, glava 1201 Vlada Federacije BiH) – koji iznosi 10.155.000 KM, se izvrši umanjenje za 2 miliona KM i ista sredstva preusmjeriti na konto ekonomskog koda 6141 - Tekući transferi drugim nivoima vlasti i fondovima - Zavod za zdravstveno osiguranje i reosiguranje FBiH.

#### **AMANDMAN III**

Iza ekonomskog koda 6142 - Tekući transferi pojedincima (razdjel 51, 5101 Federalno ministarstvo rada i socijalne politike), dodati novu stavku 6142 – Tekući transferi pojedincima - Sufinansiranje prilagodbe mjesta i uslova rada za osobe sa invaliditetom i uvođenja novih poslovnih tehnologija u cilju zapošljavanja većeg broja osoba sa invaliditetom, u iznosu od 1 milion KM.

Ova sredstva će se osigurati na način da sa ekonomskog koda 6000 - Tekuća rezerva - Vlada Federacije BiH - koji iznosi 10.155.000 KM (razdjel 12, glava 1201 Vlada Federacije BiH), umanjiti za 1 milion KM i ista preusmjeriti na konto ekonomskog koda 6142 - Tekući transferi pojedincima - Sufinansiranje prilagodbe mjesta i uslova rada za osobe sa invaliditetom i uvođenja novih poslovnih tehnologija u cilju zapošljavanja većeg broja osoba sa invaliditetom.

### **IZJAŠNENJE**

#### **Amandmani I, II i III se ne prihvataju**

#### **Obrazloženje**

Uvažavajući potrebe za ostvarivanje jednakih uslova zdravstvenog osiguranja kao i obaveze da se finansiraju najsloženiji oblici zdravstvene zaštite iz određenih specijalističkih djelatnosti kao i

nabavka skupih lijekova, dosadašnja izdvajanja sredstva iz Budžeta Federacije Bosne i Hercegovine prema Federalnom zavodu zdravstvenog osiguranja i reosiguranja, su u skladu sa mogućnostima Budžeta Federacije Bosne i Hercegovine. Takođe, napominjemo da su usvojeni Zakon o finansijskoj konsolidaciji i restrukturiranju javnih zdravstvenih ustanova u Federaciji Bosne i Hercegovine i Zakon o izmjenama i dopuni Zakona o liječenju neplodnosti biomedicinski pomognutom oplodnjom za čije provođenje su planirana sredstva na razdjelu 20, glavi 2001- Federalnog ministarstva zdravstva.

U skladu sa članom 60. Zakona o budžetima u Federaciji Bosne i Hercegovine („Službene novine Federacije BiH“, br. 102/13, 9/14, 13/14, 8/15, 91/15, 102/15, 104/16, 5/18, 11/19, 99/19 i 25a/22) sredstva tekuće rezerve, planirana u budžetu, koriste se za nepredviđene namjene, za koje u budžetu nisu planirana sredstva ili za namjene za koje se tokom godine pokaže da za njih nisu utvrđena dovoljna sredstva, jer ih pri planiranju budžeta nije bilo moguće predvidjeti. U Prijedlogu odluke o izmjenama i dopunama Budžeta Federacije Bosne i Hercegovine za 2023. godinu, na Razdjelu 12, Glava 1201, ekonomski kod 6000 Tekuća rezerva – Vlade Federacije planirana su sredstva u iznosu od 10.000.000,00 KM.

V. broj: 1554/2023  
31.10.2023. godine  
Sarajevo

